

兩浙金石志

兩浙金石志卷十三

揚州阮元編輯

宋紹興府建小學田記

古者教養有法學不躐等人生八歲而入小學訓之以灑掃應對進退之節禮樂射御書數之文若曲禮少儀內則弟子職諸篇燦然可攷及十有五年然後取而入之大學其施之有次下缺之有本源蓋自爲童稚而其教固已行

矣後世科舉利祿之習勝父兄所以子弟庠序下缺諸

生區區焉以課程文取科第是勝三尺童子駢儷綴緝皆

有紆朱懷金之想 其末下缺習之不如古也越

舊有小學羣居終日有養而無教余心慊然於是延禮

諭俾朝夕誨

下缺

取

紫陽夫子小學諸書習而讀之凡

故家名族子孫之有美質而無以爲資者咸造焉

下缺而

養弗給會

御書有關歲久當葺修舊補弊工費視鼎創一日謁之

大帥厚齋先生

先生曰是余心

下缺

泮宮廣生徒舍增

學子廩古賢牧守事余其敢後乎因撥山陰檢籍吏產得

湖田水田井基

下缺

二百二畝有奇計其所斂與征布之

入佐工役費其田盡歸之小學所以仰承

聖天子崇重學校嘉惠多士之意可謂至矣昔

太師史

忠定帥越建義廩於學以濟賢士

下缺

之家貧而無力以

葬與夫孤女之不能嫁者至今越人德之然送其死可無

以養其生嫁其女

下缺

無以訓其子君子謂是舉也

史

忠定不得專

於越學矣

先生溫恭豈弟禮士愛民政

教

下缺

行風丕篤厚而景行猥以郡文學因仍累政規模

之舊雖至愚極陋毫髮無補然亦不敢解

下缺

墨以敗名

教獨於小學竊有取於養蒙之義

先生又慨然撥田增

廩以樂成之學有本源

下缺

陵蠟它日擇其俊秀舉而升

之大學其所成就當不愧於古之賢士詩曰肆成人有德

小子有

下缺

古之人無斃譽髦斯士其是之謂矣因相與

勒諸堅珉以無忘

賢師帥之盛德云景定三年

下缺

戊

良月之吉學生漕貢進士司計朱發學生兩請鄉貢待省

進士糾彈王多吉學生漕貢進

下缺

學王應漕學生鄉貢

待省進士直學劉瑞麟學生鄉貢進士學錄任發學生監

貢進士學

下缺

祖門生迪功郎紹興府學教授陳景行

記門生承議郎通判紹興軍府兼管內勸農事方

下缺朝

奉大夫秘閣修撰提舉福建路常平義倉茶事留夢炎題
蓋碑陰

景定叁年閏玖月拾四日準

使府牒備奉

判府安撫季龍 判發下逃吏俞汝賢籍沒田產專充小

學養士田委職員檢覈本學 稟後繼委職事糾彈王多

吉司計朱發講書朱遜伯下鄉逐段挨釘 湖水田地共

計貳百單叁畝有零喚佃入契訖數 有屬訟誹徒妄

執蒙 臺府理斷剖決明白立砧基租籍外今開具產數
租額 臺府前 斷遣因依于后

山陰縣

感鳳鄉

上缺 秋字玖 叁號水田柒畝貳角貳拾陸步叁赤貳寸

號水田叁拾叁角壹拾柒步

上缺 百貳拾號玖水田貳畝壹角壹拾捌步

上缺 落十二都則水牌 管業人丁元二

上缺 號共計壹拾叁畝叁角壹拾步叁赤貳寸

上缺 田職事挨究都保備稱係是百姓丁元二產詭作丁

千乙娘立戶已 下缺 實忽準 使府備準 提舉使司牒

備據亭戶宋義狀稱係已下缺太學點對契照見得錢百

千賣與丁千乙娘宋千乙娘典趙與紫下缺契並全借是

已會贖出得領不得契不應上手老契亦在被留之數下

缺錄領子卽無官司印押本學委難憑信本學回申使

府及列項申下缺轉運使臺準牒委府判北廳專一提督

未了事件續準府判下缺行下云云欲將別項會稽縣

湖水田玖畝叁角貳拾步換去元發下拾下缺畝叁角膏

腴之田本學僉議難於私易已具回申續於景定五年五

下缺準

上缺牒備三江亭戶宋義詞行下奉

判府安撫季大卿台判亭戶佔佃官田敢與府學抗顯無

忌憚押下府學請府教兩廳差人監送直學責狀入契今
晚申不伏解上斷治本學已遵稟喚上元業主丁元二丁
秀一到學入契再委糾彈司計親往阡釘特從饒減責租
壹拾石入契已據宋義責卽無干預狀附案申
府照會乞免根究宋義特與封案一次訖

上缺鄉

上缺字壹百伍拾貳號白熟地柒畝坐落十二都薛瀆佃
戶成六九上米陸碩

上缺字叁百肆拾貳號白熟地貳畝至落十二都薛瀆
東佃戶張元六上米貳碩

上缺字伍百柒拾叁號水田貳畝壹角叁拾叁步坐落十

二都薛瀆廟漫西岸

上缺字肆百陸拾號水田壹角伍拾肆步坐落十二都蝦

漫南

貳項並係佃戶張萬七共上米壹碩玖斗

上缺

字叁百貳拾玖號水田叁畝肆拾伍步坐落十二都

上缺

項覈田職事申挨尋未見本學牒縣喚問體字大保

張萬六等續據

下缺

係陳元八佃種喚到陳元八責租據

供係陳郡馬管業忽據華總管宅幹人

下缺

稱係本宅田

產繼索千照據陳郡馬孝忠齋出華宅名契照係是

下缺

陸年置到趙知丞產本學契照係是慶元貳年置元王通

判產

下缺

後瞭然可見

上缺 伍拾捌號基地壹角叁拾陸步

號園地壹角壹拾肆步

上缺 並坐落十二都薛瀆佃戶王元二共上米壹碩

上缺 拾陸號水田肆畝叁角叁拾伍步坐落十二都寶盆
紅墅佃戶張萬下缺米叁碩捌斗

上缺 玖號水田叁畝壹角壹拾步叁赤坐落十二都歸字
西畝

上缺 肆拾玖號水田壹畝壹拾伍步叁赤貳寸坐落十二
都體字西畝

上缺 並係佃戶蔡從乙共上米肆碩肆斗

上缺 號水田壹畝叁角壹拾壹步

上缺 字貳 拾號水田貳坵共貳畝叁角伍拾貳步

上缺 坐落十二都薛瀆佃戶戴曾乙共上米肆碩肆斗

上缺 字伍 陸拾伍號水田叁畝貳角肆拾伍步坐落十

二都強頭村東浦港 下缺 岸佃戶張從二上米肆碩

上缺 陸拾貳號水田捌畝肆步坐落十二都蘆井畝肚佃

戶張萬上上米 下缺 碩捌斗

號水田貳畝貳角坐落十二都東 港西

戶史季 上米貳 下缺 伍斗

歸字肆百貳拾貳號水田壹畝叁拾陸步

體字肆百陸號水田壹角貳拾柒步

體字肆百壹拾伍號桑園地貳角壹拾伍步叁赤壹寸

叁項並坐落十二都後橋橋後佃戶張萬五共上米貳碩貳斗

通字拾壹號水田肆畝叁角坐落十二都橫港南岸佃戶張萬三上米肆碩捌斗

被字肆百拾捌肆百肆拾叁肆百肆拾玖肆百伍拾伍共肆號扞出西邊水田壹拾畝坐落十三都管墅潘安乙門首佃戶潘安乙上米柒碩伍斗

此項準使府判送下潘安僧狀稱係已贖祖產本學索到干照見得上項田段元有貳拾陸畝本學契照自係西邊扞出拾畝不應以東邊已贖之領影射西邊沒官之產本學回申使府續準行下管業責租其潘安乙已就入

租契遷租說

化字壹百肆號水田陸畝壹拾伍步坐落十三都張漏港東岸佃戶俞萬十四秀才當直莊曾二上米陸碩

此項覈田職事中被俞必蕃佔匿佃戶移易上項田段不容扞釘反將隨直弓手行打木學具申使府續準使牒將俞必蕃勘杖一百牒本學照契管業後拘俞萬十四秀才當直莊曾二到學入契責租說

食字陸百柒拾玖號水田扞出南向貳畝壹角肆拾壹步坐落朱咸村佃戶沈良卿到學陳右乙上米貳碩貳斗五升此項扞釘後沈良卿到學陳乞稱係己產索到砧基點對係是偽造紙色新舊不同合縫處止有半印學廳封

印具申 使府續準 使牒 沈良卿勘杖壹百牒本學
照應管業後據沈右乙到學人契責租訖

萬字叁百玖拾壹號水田叁畝壹角貳拾柒步肆赤柒寸
坐落十四都娜兒墩佃戶邵七乙上米貳碩貳斛

方字叁百壹拾肆號水田陸畝叁角伍拾叁步坐落十四
都中梅村佃戶王百七上米貳碩玖斛內叁畝零給還張
杞秘校訖

常字貳百壹拾柒號水田壹畝壹拾貳步

豈字叁百捌拾玖號水田壹畝伍拾貳步

兩項並坐落洋墩港佃戶王萬三王從四共上米壹石捌

斛

常字伍拾肆號水田壹畝壹角伍拾壹步肆寸坐落十都嚴家港佃戶嚴萬十二上米壹碩

養字貳拾肆號水田貳畝陸步貳赤叁寸坐落十五都南莊佃戶三從一三萬三上米壹碩玖斗

溫泉西管鄉

作字壹千伍百柒拾柒號水田肆坵計貳畝貳角貳拾柒步坐落二十都石門村佃戶丁千念乙張千十共上米壹碩柒斗

念字壹千伍拾捌壹千伍拾玖號水田叁坵計壹畝叁拾叁步坐落二十都滑橋口佃戶丁九五上米柒斗

念字捌百拾捌百拾玖捌百貳拾號水田叁畝計壹角伍

拾陸步坐落二十都塘下岡佃戶丁季三上米叁斗

念字伍百拾叁伍百捌拾伍百捌拾壹伍百捌拾伍伍百玖拾貳伍百玖拾肆共陸號水田陸坵計壹畝壹拾捌步坐落二十都高阪佃戶丁季六上米柒斗

作字

號水田壹畝貳角

作字伍百肆拾柒伍百肆拾捌號水田壹畝伍拾叁步

兩項並坐落二十都石門村佃戶丁萬五男丁萬十三共上米貳碩叁斗

念字捌百叁號熟地叁段計貳畝貳角坐落二十都柘林佃戶丁萬九上米肆斗

迎恩鄉

清字貳百柒號水田叁畝坐落廿六都長橋村南朱家潭
茹曾三家東佃戶茹曾三上米叁碩

力字陸百貳拾肆號湖田貳畝叁拾肆步貳赤捌寸

力字柒百玖拾捌號湖田貳畝貳角叁拾捌步

臨字壹百叁拾叁號湖田壹畝貳角肆拾步

臨字捌拾玖號湖田貳角壹拾柒步

臨字柒拾肆號湖田貳角壹拾柒步

臨字捌拾貳號基地壹角壹拾捌步

陸項並坐落廿五都曹家畝佃戶曹萬念九曹萬三十二

共上米肆碩捌斗

不字壹百玖拾捌號湖田壹畝貳角伍拾陸步肆赤貳寸

坐落廿七都不字圍畝佃戶徐千二十上米壹碩肆斛
承務鄉

止字

號基地壹角

止字捌百肆拾柒號基地貳角叁拾步

兩項並坐落廿七都李家葑佃戶季九六共上米陸斛

止字捌百叁拾陸號湖田貳畝貳角壹拾肆步坐落廿七
都南池東岸佃戶李九四上米貳碩叁斛

止字

號湖田貳畝零坐落廿七都化壇後佃戶

王小十四上米壹碩捌斛

思字

號湖田陸畝零坐落廿七都李家葑佃戶

李九六上米陸碩

止字貳百貳拾號湖田壹畝壹拾叁步

止字貳百貳拾陸號湖田叁角肆拾叁步

兩項並坐落李家淩佃戶李曾四何元六共上米壹碩陸
斗

止字壹千捌拾捌號湖田貳畝叁角伍拾柒步肆赤玖寸
坐落廿七都南池港佃戶周珪何萬十五上米壹碩玖斗
定字壹千貳百拾伍號水田壹畝叁角壹步坐落廿九都
步路橋佃戶許萬貳上米壹碩貳斗

無字陸百叁拾壹號湖田壹畝叁角壹拾捌步坐落三十
都凌家濡

無字叁百壹拾伍號湖田貳畝坐落三十都揚家濡

兩項並係佃戶朱千四共上米貳碩陸斗

無字肆百玖拾貳號湖田壹畝叁角壹拾捌步叁赤柒寸
無字肆百捌拾玖號湖田叁畝貳角叁拾伍步肆赤叁寸
無字肆百捌拾號肆湖田貳角叁拾壹步

叁項並坐落三十都無字嘅佃戶張元二張元三共上米肆碩

無字壹千叁百伍拾柒號湖田貳畝壹角壹拾貳步坐落三十都下牛路佃戶程百念二上米壹碩肆斗

下字貳百貳拾貳百貳拾壹號湖田迂出南邊一半計貳畝壹角壹赤伍寸坐落三十都本柵上佃戶徐紹祖上米貳碩貳斗

和字伍百玖號水田貳畝叁角玖步肆寸坐落三十二都
天章寺下大路邊白鶴橋佃戶陳萬二上米貳碩伍斗
和字伍百叁拾貳號水田貳畝壹拾貳步叁赤貳寸坐落
三十二都天章寺下大路邊白鶴橋佃戶賈百九上米壹
碩陸斗

此貳項扞釘後準 使府判送下趙府幹人竺珣狀錄白
已死庵僧本空領契領子爭執本學繼具因依回申奉
判府安撫季龍圖台判君子可欺以其方難罔以非其道
學校乃君子肄業之地胡可罔哉據趙府詞幹竺珣之詞
稱上項田兩項契照昨因庵僧本空關出縣案對證遂畱
余押錄處其說似矣但俞伸之死已久趙府何爲不干生

前取討俞汝賢之估籍踰一年本學扞釘踰一月何不經
官辯明所執以爲據者庵僧本空之一領旣不經官印押
本空又死將孰從而憑信乎詳挨田衆職所申如此殆難
罔也官司雖欲曲爲詞幹之地其可乎世之習浮屠學者
其徒廣廈而居安坐而食所業何務王公大人樂施喜捨
動捐膏腴千百畝無所靳諸生皆誦習孔子六藝之教聖
人之徒也罪吏已籍之業數能幾何官司不欲估賣撥付
府學養士而姦民駟幹乃敢與罪吏陰爲表裏投托第宅
百計罔占抑何尊異教而輕爲仁義者哉茲觀學申良用
拂膺帖縣監尉引追元佃賈百九陳萬二日下入契還租
牒學應照元契及見扞釘畝步營業若竺珣再敢阻障解

上重作施行

映字

拾壹號湖田壹畝壹角貳拾叁步見係填疊住

基坐落廿七都鳴鳴許家庵西佃戶王元六上米捌斗

此項田元係王元六祖王三乙伯王萬六父王萬九填疊

成地造屋居住并埋葬墳墓年深學司王晟造弊爲王元

六隱匿稱挨尋未見繼鄰至人許華孫所生梅英知其隱

匿經山陰縣入詞妄占王晟懼罪方爲王元六經錢糧廳

投狀

湖田賁租上米續許梅英到學入詞稱王元六

假借

下缺

元六下山陰縣理對并根究王晟造弊隱匿

情

下缺

點對係是王聖來戶四九映字壹千拾柒壹

下缺

田職事親到地所者覈繳到保甲金萬

下缺

填疊基地見

是王元六居住係與地

鄰下缺

基地同是映字柒百

拾壹號分曉學司

下缺

其許梅英強詞妄佔不已本學具

申

下缺

都運季龍圖台判上項田產撥付府學

下缺

府判

北廳嚴督會稽山陰兩縣疾

下缺

證當入契者監入契限

十日繳一切究

下缺

延請專人拘解本司重作施行仍

下缺

後具因依申府判北廳

下缺

戶言

言

萬六湖田基地係映字柒百拾壹號

梅

英戶

下缺

湖田基地係映字壹阡壹拾捌等號戶名號數

兩無干涉本學所申極爲分曉許梅英罔官司以非其道

乃欲以庵東籬內見坐業之砧基影賴庵西籬外新沒官

之吏產豈理也哉大抵產業全憑契照今本學繳到千照

色色端正上項田地既有王萬六湖田自陳簿爲可憑又有地鄰萬百五同字號干照爲可證不待委官已知王萬之住基爲俞汝賢沒官產明矣推原其田始因學吏作弊藏匿此號欲爲賣弄之地遂致許梅英得以乘罅起此不根之訟然王元六若不齎出王萬六王萬九寶祐元年經倉臺訴許梅英索碇基一宗縣案則許梅英妄訟之田亦無自而知今詳縣案許梅英曩曾誣賴王萬九甚字號湖田官司不直梅英未幾王萬九有執畱碇基之訴許梅英兩責狀在案謂不曾執畱王萬九祖上碇基向後如敢佔賴王萬九別項產業一聽官司究斷欺騙情罪卽此一項而觀則是除甚字號湖田之外王萬九別無產業與許

氏交易不知許梅英今日之訟何所據而然耶切許王萬九當來詞訴正以其住屋基地適與許梅英所居之庵並鄰恐其它日以所執不還之砧基罔而取之也故急于執據以自安已而又以其地屬之俞汝賢俞山陰吏胥也王萬九惟恐鳩居其巢未必不借俞汝賢爲自衛之計豈料俞汝賢之籍沒也哉王元六不甘基產之歸學囑都保囑學吏但欲爲瞞官之地初不知許梅英垂涎已久反得因此以行賴官田之謀也許梅英雖一婦人素來歸訟王許兩家且爲世讎遂乘此欲奪其廬以快疇昔之志又不知佔賴官田之自戾于罪也今此項基地王萬六寶祐六年自陳歷歷可攷向使王萬六王萬九兄弟果是坐佔年久

許梅英不于其自陳之時出官陳告却旋于今日將別項
砧基妄行影射何耶如必欲以王友諒之產爲王聖來之
產不知王萬六王萬九之若祖若父及其子王元六居此
且數世矣其在許庵藩籬之外又不知其幾年矣許梅英
之主許二官人在日何無一詞訴其坐佔直待許梅英今
日而後訴耶況此地若果坐佔則王元六曾葬人於其上
當爲盜葬許梅英不訴于王元六盜葬之時乃訴于府學
杆釘之日其爲誣罔甚矣兼府學繳到都保挨排自陳草
冊所載許家庵西至王元六王元六東至許家庵使果有
曲折許梅英自可於此時爭執矣今辭窮理屈輒指它處
之柴百拾壹號以爲沒官湖田不思俞汝賢之田正係填

疊基地係坐落鳴鳴爲佃戶者且情願入契矣許梅英尙復何辭正緣官司向來但毀沒許梅英之偽契不會明正許梅英之罪名由此健訟不已若更縱其挾已出幼之子騙賴田產置而不問典憲何在拖照許梅英舊會責狀在案有向後不敢佔賴王元九別項產業連聽官司究斷欺騙情罪之語今又不悛恐難倖免許梅英勘杖一百封案再詞拆斷所有王元六基地牒府學一面照契管業如王元六仍前贖減官租并當重斷申都運使臺照會仍申諸司其許梅英又經使府飭訴使府下僉廳點對準使府牒本學錢糧官索兩家于照從公點對明申續奉使府將許梅英拆案勘杖一百未及引斷其許梅英竟行逃竄使府

監廂典根追據押到其婢福奴并教唆安歇人余四二寄
蔡府院監追許梅英正身未到問其許梅英徑將小學田
產盡獻安邊使所忍準使府牒備安邊所牒行下本學令
具因依本學承準回申後蒙使府於禹跡寺僧房內追出
許梅英正身并教唆人余四二送府院根勘情節續使府
牒備到許梅英招狀詞欵獄官書擬許梅英以庵東籬內
見管業之碇基影射庵西籬外新沒官之吏產前後官司
燭破姦膽履行定斷始焉北廳府判看詳反覆辯明凡數
百言極其詳盡所有偽契向來官司既已毀抹但未會科
罪府判寬恕止從勘杖封案爲梅英者幸免受杖亦可止
矣乃敢又經府讞訴再送周帥幹廳點對又再考究事原

申明北廳府判所擬又極明白梅英姦詐之情既不可掩
拆案引斷夫豈爲過梅英逃罪走逸尙云可也乃敢輒經
刑部妄詞又經安邊所獻產若只將所爭之產投獻尙可
也乃敢併俞汝賢全戶沒官贍學之產盡行投獻委爲無
理今已供招在前騙詐學田之罪小口有帥府之罪大自
合編置以警其餘帥府寬容更與從恕欲且照周帥幹已
擬將許梅英拆案勘杖一百再敢器訟不已却與重作施
行仍牒府學照契管業余四二乃府城譁徒爲許梅英羽
翼前後誣罔越訴皆其嚇使不欲盡情根究欲且從輕勘
杖六十放奉安撫集撰揚侍郎台判許梅英不伏官司所
斷潛地逃遁又敢妄狀將學田投獻尤爲可怪今來追到

合與編置以警誹徒姑從輕典並照僉廳所擬行本學再
具因依申都運提學使臺奉都運祕撰季大卿台判越爲
今南陽學校視昔尤盛 宸翰昭回冠冕東州惟 先朝
碩輔杜晏韓富司馬諸賢皆有後于是邦而貧無以教教
授陳迪功景行建請置小學弟子員擇儀狀之端正者得
數十人聚而教之而無所乎廩適山陰縣吏俞汝賢得罪
簿錄其家而田歸于郡不有其有撥以肆學小子有
造於是乎賴亦既代石鐫 國史官庶左史畱公

爲之屬筆自謂可與此學可以相爲無窮不料縣民

恃其頑訟乃將其雇主祖上無干預之砧基妄

亂占認前後官司察其

知罪乃敢埋

安邊使所使其止獻所爭之產猶云可也乃併命

贍學之業

於許氏何關耶君子可

欺其方難罔以非其道

可謂

所未詳其故是以行下諸司審究今本學既已具申

司又各

使所決不聽一潑婦無

稽之言而廢

已成之規言木英取非其有上罔天臺而

縣吏俞汝賢因罪

又豈應陰

以

學校爲

此風甚不宜長其田實當職守越時所

茲

將漕行

之勘案備木學

下缺

提刑司委官嚴

兩

下缺

出魚鱗圖

無帖委紹興府比較

下缺

名鳴鳴許家庵側王元六所

居產基地上喚集

下缺

鱗圖再逐一比證責供剖析事情

見得梅英之不

云云

愈臆點對

奉

權提

知府安撫祕撰季大卿書判學田自係映字柒百

壹拾壹號許氏業自係映字

壹拾柒號何相關學田

在庵西籬外許氏業自在庵東籬內何相混近年湖田

憑自陳

證許梅英昨在官供責謂不曾有今忽責

庵內自陳簿來何從得且自陳簿內謂不曾有映字柒百

壹拾壹號是許氏元無此業也今又安得而妄占耶許庵

自陳簿四至曰西至王萬六

西至王萬六田則許

庵在王萬六田之東王萬六田在許庵之西明矣今又安得指東作西 向但以 經委官地所指定打量爲辭今趙比較親到地所指定打量矣又何說學校乃禮義所自出之地無緣以不會沒官之產利寸地撮租之入以與奴婢下人角勝負許梅英亦豈應以潑婢 乃不顧非理出爲辯強以與學校爲敵可爲無忌憚甚矣今茲所委官定既詳僉廳所點 尤明覽之者曲直是非不待辯而知本府何容贅辭但許梅英勘杖編管雖當其罪猶曰主也可與封案余四二挾潑婢以抗學官逞教唆以紊官府是烏可亦與封案勘杖壹百編鄰州少爲事不干已教唆把持者之戒仍申安邊所照應本司已將許梅英勘杖

編管責狀封案及將余四二照斷編管台州所有元案本
學已申使府備給公據託茲不載

容字貳百貳拾號湖田叁角拾捌步叁寸

映字玖百柒拾壹號湖田壹畝叁角貳拾步

容字叁百肆拾肆號湖田壹畝貳角貳拾肆步兩項並坐

落廿七都鳴嶋佃戶金九二共上米貳碩柒斗

映字壹千叁拾貳號湖田壹畝壹角肆拾叁步貳赤伍寸

映字壹千叁拾壹號湖田壹角叁拾貳步兩項並坐落廿

七都鳴嶋佃戶金千念上米壹碩

旌善鄉

隨字肆百捌拾貳號水田肆畝壹角壹拾陸步迂出東邊

貳畝壹角壹拾陸步坐落三十三都 澗井佃戶趙曾三
倪慶工倪九乙共上米貳碩捌斗

入字壹百貳拾肆號水田三畝貳角叁拾貳步坐落三十
都爪田佃戶陳曾三上米壹碩伍斗

受字壹百柒拾號水田貳拾壹角伍寸坐落三十三都黃
家池佃戶沈文乙上米壹碩

新安鄉

逐字

號水田壹畝貳拾步坐落三十九都江塘

佃戶孫千七上米陸斗

疲字叁百伍拾陸號水田叁畝

疲字叁百肆拾貳號水田壹畝貳角貳拾陸步

兩河金不元卷十三
六
波字叁百肆拾叁號水田壹畝壹角叁拾貳步

叁項並坐落三十九都江塘佃戶孫千七楊六乙共上米

肆碩柒斗

滿字叁百叁拾肆叁百叁拾叁號水田貳坵計貳畝壹角

壹拾壹

下缺

滿字陸百肆拾叁號水田貳畝壹角兩項並坐落三十九

都唐家橋佃戶

下缺

波字伍百柒拾貳號水田貳畝坐落三十九都江塘佃戶

楊六乙上米壹碩

下缺

守字陸拾叁號水田貳畝貳角貳拾叁步坐落三十九都

江塘佃戶傅

下缺

疲字

號水田貳畝坐落三十九都江塘佃戶朱

百十乙上米壹碩陸斛

疲字

號水田壹畝壹拾貳步坐落三十九都江塘

佃戶朱百九上米捌斛伍升

疲字叁百肆號水田壹畝壹角壹拾伍步坐落三十九都

江塘佃戶朱十七上米壹碩貳斛

安昌鄉

帳字伍百玖拾捌號水田壹畝壹拾肆步

帳字伍百玖拾柒號水田貳角

帳字陸百叁號水田壹角伍拾陸步

對字貳百貳拾肆號水田壹畝肆項並坐落四十四都湯

嶸佃戶袁九七上米捌斗

琴字

號水田貳坵共伍畝零坐落四十四都

馬鞍寺後佃戶徐敬之上米貳碩叁斗

內字壹千叁百號水田貳畝拾叁步坐落四十四都

佃戶談曾五上米

清風鄉

鍾字壹千壹百伍拾陸壹千壹百伍拾柒號水田壹角陸

步佃戶李成三上米壹斗

聚字肆百伍拾捌號基地并園地貳段共壹畝肆拾叁步

貳赤見開作田坐落四十七都

佃戶孫貴

五上米

越學職事六員例以貢士充其選此一定不易之良規也

以非材預聞學校之事規矩必繇正錄錢糧必繇直學糾彈專糾正之責而出納之吝司計實司之體統正而綱紀立剗削蠹弊漸見條理而任此六職者又貢士之賢且能者也 大帥厚齋季先生檢山陰縣吏俞汝賢檢籍之產以贍小學奸胥與頑佃爲道地紛紛有詞據契以覈其實非得明敏廉勤之士莫能辦糾彈王多吉司計

發學諭 遜伯 行阡陌窮冬沍寒不避艱阻援正誼以杜私謁考覈悉出於公而學 劉瑞祉學錄任發直學

瑞麟王應漕則一以公議裁定之得湖田水田并地二百三畝有奇其所以欽承 賢師帥扶植小學之 意二三

子之功

既紀其事復刻諸碑陰以垂不朽

右碑在紹興府學文二十一行正書徑一寸碑陰刻田數租額正書五列字徑四分碑蓋爲大帥季厚齋增置小學田而作也按府志郡守有季鏞字角部龍泉人淳祐中任又按龍泉志鏞嘉泰二年進士以父澤補將仕郎歷任有聲除知紹興府兼浙東提舉景定癸亥任兩浙轉運使癸亥爲景定四年則此碑正其守郡時所立府志謂是淳祐間任殆未深考爾撰文者府學教授陳景行下有方口當是書碑之人惜其名已缺

宋延恩寺勅牒斷碑

景定三年十二月 日

簽書樞密院事兼權參知政事楊

參知政事何押

太傅右丞相魯國公押

右勅牒斷牌存下截銜名四行行書在臨海縣舊名
涌泉寺晉太康中有泉自地涌出故名舊志云唐咸
通中賜額此宋敕也或卽延恩之所名歟

宋陳□□等題名

景定壬戌上巳陳□□偕張東澤僧□□□游

右摩崖正書六行行三字徑二寸三分

宋石觀音院題名

景定壬戌前九月初六自出衣鉢增添基地重建山門住持宗照謹題

右在石觀音院摩崖正書三行行字不等徑一寸

宋城東慈雲院部據府帖碑

城東慈雲院甲乙傳流住持部據府帖

篆書十五字

行在尚書禮部

行書大字

據慈雲院住持僧崇寧狀右崇寧本院荒蕪數僧同住額係十方常住素無田產自崇寧戊午年內恭奉聖旨指揮行下使府給帖充應住持入院之初常住應千動用什物皆爲前住僧搬挈一空崇寧竭力置辦將週遭欲斜破屋修葺一新止有鐘樓輪藏次第重建稍成倫序竊見本院

未拾年內捌易住持無非毀壞常住全不以修造爲念今
崇寧非敢固執住持竊恐復有夤緣之人前來破壞委是
可惜近觀小隱竹閣玉泉法雨等處元係十方去處後緣
脩造僅成次第深慮他日爲十方人廢壞尙改作徒弟永
充甲乙住持況崇寧荒蕪小院欲照此例乞台判送案行
下臨安府將本院照小隱等例改作徒弟永充甲乙住持
仍給據付本院照應永遠香火祝延聖壽爲國焚修實出
主盟之賜候台旨奉判呈尋呈奉判送僧司契勘申本部
除已送僧司契勘申部去後據臨安府都僧正司申准尙
書禮部台判送下慈雲院住持僧崇寧狀乞將本院照竹
閣資國法雨等處改爲甲乙徒弟院事本司承準指揮照

得慈雲院坐落仁和縣馬婆巷元係十方教院單丁去處
近因僧崇寧住持以來修葺整頓一新安著僧行爲國焚
修頗成次序今來崇寧經省部陳乞欲照竹閣資國等寺
改爲甲乙永遠住持卽與前件體例壹同契勘是實所合
具申尚書禮部取自指揮施行申部候指揮尋呈奉判備
僧司所申下仍示本部除已符臨安府仰照省符內所判
事理施行外須至符扣十五行小字正書

右出給告示付慈雲院住持僧崇寧仰收執照應景定肆

年十月尚書禮部之印日正書二行官押正書經二寸餘

臨安府大字正書帖文細楷書
十八行與前同不錄

右今給帖付慈雲院印照應甲乙傳流住持焚修香火景

定伍年貳月

臨安府印

日

正書二行

逕一寸

使押

正書二行

玉冊官余木

吳顯刊

細楷書

右在城東慈雲寺正書二列上十九行下二十二行
篆額十五字按寺始唐興元間名甘露周顯德時名
慈濟宋大中祥符間有祥雲異瑞真宗賜額慈雲宋
時寺院之例有二有十方常住者單丁去處一如旅
寄故其去也搬挈一空有甲乙流傳者收徒承襲一
如營家故其人也克隆三寶然必得部據府帖方免
覬覦此刻暨承天靈應觀碑可考其體制焉

宋靈顯廟賜額勅牒碑

尚書省牒

禮部狀準景定伍年陸月伍日都省批下禮部申準批下
兩浙運司狀奏本司承行在尙書禮部符據嘉興府申照
得本府據學生鄉貢進士聞人剛中待補進士吳宜之待
補進士唐安老待補進士聞人訥待補進士婁文遠待補
進士王安孫狀拜觀朝廷赦詔有云凡古跡靈神有顯應
去處許州縣奏聞加封勅額以示尊崇剛中等切見本府
望吳門外有土神施府君名伯成建立祠宇幾伯餘年一
方之民罔不歸敬每遇旱澇疫癘之災所求隨應近者旱
勢將成剛中等啾啾憂國集士庶禱于祠下尅日感應加
惠人民極有靈跡獨封號未加甚爲闕典乞備申保奏特
與勅額封號以慰閩郡士民歸敬之心府司所據申述繼

委本府嘉興縣主簿施迪功躬親前去喚上隅保父老體
實保明申令據迪功郎嘉興縣主簿施僖子狀申遵稟繼
卽躬親前去地所北門外三十二都施府君廟側喚到保
正沈春父老計肆壹李叁捌吳柒陸張小叁供今奉引差
人拘收本保監勒肆壹等理行下究實見有施府君靈跡
事肆壹等據實得上件事因肆壹等各係本都住人見居
本廟隣近切見施府君自玖歲爲神建立廟宇經今壹佰
餘年一方人民無不受福不會興禍所有人戶纔有天時
水旱病患禱祈無不感應續有在城官員一十餘人備財
收買香燭在廟念經祈雨果於以後接濟有兩鄉民得利
委是前後靈感詣實所供如虛甘罪不詞僖子保明詣實

申府施行府司所據施主簿保明體實靈驗因依保明詣實申部乞保奏封號符本司依條保奏施行本司檢準淳祐令諸道釋神祠祈禱靈應謂功跡顯著惠利及民載於祀典者宜加官爵封號廟額者州具事狀保明申轉運司本司委隣州官躬親詢到再委不干礙官覈實託具事實保奏本司照條牒委臨安府差官躬親前去地所詢究保明申次據臨安府申州司遂帖仁和縣尉何迪功躬親詢究今據迪功郎臨安府仁和縣尉何大受狀申繼卽躬親將帶吏卒詣地所喚集本都父宿計肆壹李叁捌吳柒陸張小叁供今蒙引差人拘收本保監勒肆壹等理行下詢究見有施府君靈跡事肆壹等據實上件事因各係本都

仕人見居本廟隣近切見施府君自玖歲爲神建立廟宇
經今壹伯餘年一方人民無不受福不曾興禍所有人戶
纔有天時水旱病患禱祈無不感應今有在城官員壹拾
餘人備財收買香燭在廟念經祈雨果於初十日以後接
濟有雨鄉民得利委是前後靈感詣實所供如虛甘罪不
詞大受所據供稱因依保明詣實申府乞照會施行本府
所據前項申述保明詣實申本司乞施行本司遂牒安吉
州委官前去地所覈實保明申今據安吉州申差迪功郎
安吉州司戶參軍方基前去嘉興府北門外三十二都覈
實土神施府君委有上項靈跡保明詣實州司所據申述
保明謹實申本司乞施行本司所據臨安府差迪功郎臨

安府仁和縣尉何大受詢究及安吉州差進功郎安吉州
司戶參軍方基覈實到前項靈跡委是顯著本司保明詣
實謹錄奏聞伏候勅旨後批送禮部契勘申尙書省準此
本部所準都省批下事理尋呈奉書判送太常寺契勘申
除已連送太常寺申部去後據太常寺申準都省批下禮
部申準章奏房降下兩浙運司奏爲嘉興縣北門外三十
二都土地施府君靈跡乞賜廟額事後批送禮部契勘申
尙書省準此送寺契勘申部右檢坐條令在前今來兩浙
運司奏爲嘉興縣北門外三十二都土地施府君靈跡乞
賜廟額事本寺照得本路運司奏內依條差官詢究覈實
保奏了當應得加封條法今契勘伏乞省部備申朝廷如

從運司保奏至事理候批今狀下部行下本寺以憑擬賜
廟額施行申部奏書判備申今開具太常寺申至條令下
項一建炎三年正月陸日已降指揮節文神祠遇有靈應
卽先賜額一淳熙拾肆年陸月拾玖日已降指揮節文今
後神祠祈禱應驗令本路運司依條保奏取

旨加封本部所準都省批下前項事理除已連送太常寺
契勘申至因依并奉書判並備錄在前上件事理取自朝
廷指揮施行伏候指揮後批送禮部擬封申尙書省準此
本部所準批下前項事理尋呈奉書判送太常寺照批狀
指揮擬封申本部尋送太常寺擬封去後擬太常寺申奉
書判備申今具下項一據太常寺申準連送在前檢準建

炎叁年正月陸日已降指揮節文神祠遇有靈應卽先賜額并準淳熙拾肆年陸月拾玖日已降指揮節文今後神祠祈禱應驗令本路運司依條保奏取

旨加封今準省部連送下準都省批下禮部申追批下兩浙運司奏嘉興府北門外三十二都土地施府君靈跡乞賜額事後批送禮部擬封申尙書省準此送寺擬封部本寺遵從省部并都省批下指揮乞從建炎叁年正月陸日并淳熙拾肆年陸月拾玖日已降指揮合擬賜廟額今欲擬靈顯廟爲額合行降勅伏乞備申朝廷取

旨賜額施行申部本部所準批下前項事理據太常寺擬封申至事理備錄在前上件事理伏乞朝廷指揮施行伏

候指揮

牒奉

勅宜賜靈顯廟爲額牒至準

勅故牒

景定伍年玖月 日牒

簽書樞密院事兼權參知政事姚押

同知樞密院事兼權參知政事葉押

太傅右丞相魯國公押

右碑三列俱行書大字中有申狀三十六行正書小字在嘉興縣此間人剛中等爲土神施伯仁乞賜廟額也按自南渡建炎三年正月明堂赦有古跡靈神

許奏加額以示尊崇之詔淳熙十四年六月又申之
淳祐間又令諸道釋神祠祈禱靈應宜加官爵封號
廟額者州具事狀保明申轉運司幾幾聽命于神矣
觀施僖子申狀中施府君自九歲爲神經歷百年所
求輒應一如目覩轉輾申請累數千言大書深刻所
謂上下相蒙者此也待補進士不見他碑抑鄉人自
詡之詞耶

宋理宗御書見滄二字

見滄

右在吳山寶奎寺摩崖正書字徑一尺餘咸淳臨安
志云理宗書側有璽文已泐兩湖塵談云御書之寶

四字當時賜平章喬行簡也吳山考古畧行簡捨宅
爲寺以寶奎請額門徑幽深樹石清雅有寶月樓見
滄巖名勝志又載東陽縣孔山宋丞相喬行簡第在
其下舊有孔山堂雙峴樓釣游亭皆理宗御書則當
時宸翰不止見滄二字也

宋銅鐘款識

施衣資功德報四恩三有大地冤親同成佛果口住山無
住宗成咸淳乙丑年二月一日

右正書一周在欒開字徑寸餘據趙氏舊拓本錄之
宋潛說友題名

潛說友君高父 咸淳乙丑閏月望題

右在龍泖洞崖古篆書二行字徑五寸欸字正書
徑一寸餘按說友字君高縉雲人由進士歷官知南
康軍浙東安撫使兩浙運使知臨安府以戶部侍郎
轉尚書官至端明殿學士縉雲郡伯出知平江府再
按咸淳臨安志說友以咸淳二年十二月爲運判三
年七月陞副使四年閏正月以朝散郎直華文閣除
司農少卿兼知臨安府此題名在元年應是直華文
閣時也說友有篆書仙都山銘見陳性定仙都山志
今不傳此六字亦吉光片羽已

朱潛說友石屋洞題名

潛說友來 咸淳五年七月望日

右在石屋洞摩崖正書一行字徑一寸右有山陰金

元谷到六字

宋潛說友等龍華寺題名

咸淳七年正月二十二日潛說友徐理同游龍華

右在龍華寺摩崖正書四行字徑一寸餘

宋趙汝□玲瓏山題名

咸淳丙寅勸農于此是日春光晴媚天氣和□得與□老

□容□□□邑令四明趙汝□國□□□□□□□□□□

□安□發□□同里□君章□□充國葉□羅□甫景□

偕行

右在臨安縣玲瓏山九折巖摩崖正書八行字徑二

寸四明趙汝下蝕一字按舊志宗室令臨安者有汝
金汝球汝相汝楛四人必有一于斯矣

宋楊棟等玲瓏山題名

眉山楊棟王檣邑人耶眈自懸雷巖來尋三休之遺址蒼
龍傲然遂飲其下歲月同九僊

右在臨安縣玲瓏山石門下摩崖正書九行字徑二
寸按懸雷巖今名垂雷山在縣西南十三里晉許邁
所遊處嘗謂臨安垂雷山延陵之茅山是洞庭西門
潛通五岳又築精舍與陳安世茅季偉往來于茅嶺
洞室此卽所云三休之遺址歟或云山有三休亭取
東坡詩句也歲月同九僊者九僊山在縣西南十二

里必先有題名在也楊棟字元極青城人紹定二年
進士度宗朝官同知樞密院事參知政事出知慶元
府有平舟集見宋詩紀事

宋孫惟信玲瓏山詩

晉漢高人跡已陳同君仙屐叩山靈澗懸白練流雲液路
夾蒼虬聳石屏鳥下老藤搖翠木僧歸寒屋鑰秋扇蕭蕭
落日聞笙鶴滿耳天風聒醉醒宋孫惟信季蕃父

右在玲瓏山九折巖摩崖正書九行字徑二寸按孫
惟信字季蕃號花翁開封人居婺州光宗時棄官隱
居西湖有詩集

宋賈似道靈隱題名

咸淳丁卯七月十八日賈似道以歲事禱上天竺回憇於
此客東元嘉俞所張濡黃公紹王庭從子德生侍期而不
至者廖瑩中

右在龍泖洞摩崖正書六行字徑四寸

宋賈似道石屋洞題名

咸淳三年九月二十八日賈似道領客東元嘉史有之廖
瑩中黃公紹王庭來游子德生諸孫蕃世侍

右在石屋洞摩崖正書四行字徑二寸末有沈堅刻
石四小字三行中有大明錫山安國第八遊正書九
字

宋賈似道三生石題名

賈以道比以歲事禱靈隱迄幸有年飯僧已因過此山吳
子聰東元壽邨復亨俞昕廖瑩中張濡黃公紹王庭從焉
子德生諸孫蕃世侍僧法照德寧時舉妙寧俱咸淳三年
歲丁卯十月望

右在三生石摩崖隸書九行字徑三寸

宋咸淳己巳同銓題名

咸淳五年三月二十四日銓闈引試四月初四日
奏號合格者八十有四人以五月二十一日叙拜于豐豫
樓題名立石于江湖偉觀

蔡蒙吉 韓 浩 費 邇 周元登 孫 鑄
李 濱 劉慶淳 王 孚 宣處佐 楊公真

曹稼孫 舒璿孫 胡煒卿 戴垓 孫震

程塏 蔡威 陳處益 趙岱 葉元臯

董應忠 朱純孫 方鈺 史蘇卿 劉遇孫

曹魯孫 徐明誼 游采 徐備孫 蔡良弼

汪鏗 鄧嘉老 范壘 陳鏞 徐同誼

真象祖 胡晦 翁桂森 陳用昌 師曾諒

謝昌文 章鑄 錢躑 丘稼 潘日嚴

汪侑道 施子高 周泰登 徐壽老 沈仁壽

饒鉉 高德成 冷森桂 吳東 馮大節

衛鎔 曾穆 韓公明 顏民瞻 吳杲孫

黃溥 游斐 鄭嗣翁 胡鏞 韓任甫

孫敬夫 鄭晉正 趙 彌 黃廩伯 謝似孫

胡宏父 張 崧 楊如圭 曹戴孫 陳仁實

謝宗強 家之瑞 史芳卿 鄭 屋 張益謙

韓公亮 崔嘉謨 李 鐸 李叔度

右第一名循一資與占射差遣上中等並占射差遣下等
不依名次注官

右碑在西湖北山智果寺側居民取爲墳堂攔土之
用嘉慶元年三月間何夢華手拓其文知爲咸淳己
巳同班題名碑擬移置郡庠未果按吳自牧夢梁錄
云每歲三月上旬應文武官蔭授子弟宗子蔭補者
並赴銓閣就試出官朝廷遣監試主文考試官等就

禮部貢院放試試中者三名取一名文臣試兩場本
經及刑統義第三日願試法科者聽武臣試七書義
三學生員入試中選者陞內舍如省闈年分移於八
月放試中榜者赴吏部伺候簾試過參注差遣武選
中者就兵部右選廳銓量注授其文武銓魁特轉一
資恩例銓魁仍置局造題名集設同年宴於西湖帥
運諸司俱有送助以爲局費此碑蔡蒙吉等八十四
人以蔭授子弟引試合格循例敘拜於豐豫樓立題
名碑於江湖偉觀宋時豐豫樓一名豐樂樓爲官酒
庫在湧金門外與門相值凡朝紳同年會拜鄉會俱
集於此江湖偉觀在今智果寺側卽觀臺舊址外江

內湖憑眺取勝淳祐間建兩亭於上直至山椒今則
土冢纍纍無磴道可識矣

宋御製牧民碑

牧民銘

天生蒸民皆吾同胞痛癢切身勿瘠民膏凡而戚忻繫命
爾曹惟旣厥心毋憚爾勞繆以千里根於差毫

臣杰言恭準口尙書吏部符 頒賜 御製 宸翰牧民

銘 臣已望 闕祇受刻石訖者蒸民秉彝好德生幸際於

明時 聖人肆筆成書 命復申於近甸 絲綸誕播

紳笏交懽 臣杰惶懼惶懼頓首頓首口口口觀我 宋之

開基惟恃人心而 固國 紫雲立誓實 藝祖受命之

七年 戒石揭銘亦 太宗本仁之一念 顯哉謨 承

哉烈 作者聖 述者明於粲 宸奎有光 寶訓恭惟

皇帝陛下盡倫盡制 得位得名 湯盤之 德益新

務 寧邦而 佑下 武几之 敬常勝首 分土以

重民 念爾同胞伊誰繫命迺 下二千石牧養之詔以

爲 億萬年封植之謀 父母此心 宗社之福 臣叨榮

中禁宣 化右才司謹牧夫已虔奉 十行之札 休

揚 天子曾不違 咫尺之顏 臣無任感 天荷 聖激

切屏營之至所有 御製 宸翰刻石副本壹軸謹隨表

上 進以 臣 懼懼懼頓首頓首謹言 咸浮采

年伍月日朝散大夫 下

右碑篆額八字上列御書七行行書下列表文四十九行正書在嘉興府學按咸淳臨安志度宗咸淳六年正月丙寅有牧民訓字民訓牧民銘字民銘之頒後有平章軍國重事魏國公臣賈似道恭書跋所謂訓者提其耳銘者著其心又曰是用勒崇垂鴻祇若又曰越明年八月壬午內出二銘重巽以申是作文在六年頒賜在七年八月之後此刻在五月爲先三月必有一誤四文必皆刻石而今存者止一石臣杰以下則本州申謝刻石紀事也

宋咸淳壬申口班題名

咸淳八年六月初五日奉

聖旨免引

見考舉及格者傅勉之等二十一員與改合八官 月
日敘拜于豐豫樓立石于江湖偉觀

傅勉之 胡得高 龔璋 蒲復孫 蔣遂孫

甘希聖 徐卿 趙時辰 王煜 蘇景瑞

徐一鋒 陳公鉉 姚會之 唐天麟 賈澤生

何劉發 孫元發 徐似孫 陳時中 鍾昌吉

薛竣

外二員準

指揮在外與改入官

謝麟 曾頴瑞

玉冊官余昇刊

右碑在西湖北山智果寺與咸淳己巳一碑同爲何
夢華搜得南渡典故史多遺佚賴此知當日銓試合
格皆得於西湖設宴題名亦一時之盛也

宋忠祐廟勅封告據碑

德祐乙亥勅封告據

篆額八字

行在尙書禮部

行書一行字連二寸

準德祐元年正月七日都省批下禮部申準咸淳拾年拾
月貳拾貳日都省批下太學學錄張景忠等列劄乞下禮
部太常寺改定岳王廟號及王父和及牛泉封諡其忠文
昭烈兩諡或蒙合而一之或別議加封特躋四字之榮事
後批送禮部行下太常寺擬封限叁日申尙書省準此水

部尋連送太常寺限壹日擬封申去後今據回申呈奉書
判備申須至申聞者一據太常寺申數內忠顯廟額下一
字同音合行改擬今欲改擬忠祐廟爲額合行下本廟照
應右本部所準都省批下前項事理并據太常寺擬封申
至及奉書判並備錄去前上件事理取自朝廷旨揮施行
謹連元準批狀具申都省候旨揮承後批禮部申準批下
太學學錄張景忠等列劄乞下禮部太常寺改定岳王廟
號等事送禮部從申給據準此呈奉判備給須至指揮

右今給據付太學忠祐

尚書禮部之印

廟照應德祐元年正月

尚書

禮部之印

日給

行書二行字逕一寸餘

官押

正書字逕三寸餘

勅太學環壁之宮羣才所萃忠臣義士之氣千載如生庸
錫綸言以光廟食太學土地忠文王赤心貫乎日月勁節
凌乎雲霄江漢滔滔武夫洸洸曩感激驅馳於受任壁雍
湯湯威儀抑抑今聰明正直以動人豪傑聞而作興懦夫
爲之有立方今□□□□邊事未寧想神力陰助於驅除
在聖朝宜有以褒異爰因舊號用輯新榮忠則祖述誓瀆
之心文則諸葛出師之表英靈如在炳乎昭昭之靈氣槩
不磨壯哉烈烈之勇今□字以稱美爲□□之寵□幽爲
神明爲人皆有闕于□運禦大舊□大忠其默相□國家
盼□□融歆承無斁□□□文昭烈王奉勅如右牒到
奉行德祐元年正月十四日

尙書吏部之印四
六行字徑一寸

行書廿

少保左丞相都督諸路軍馬 特進右丞相都督諸路軍馬 簽書樞密院事兼權參知政事 四月十四日午時

都事陳 司農少卿兼左司宗文 少保左丞相都

督諸路軍馬 特進右丞相都督諸路軍馬 簽書樞密

院事兼權參知政事 吏部尙書 吏部侍郎

德祐丙子正月吉日直學宋應龍陸嗣口 楷書一行徑半寸餘

右在岳祠碑凡三列五十三行篆書額此太學學錄

張景忠等乞改岳王廟號及王父佐神封諡事所云

忠文昭烈兩諡或蒙合而一之者謂景定勅廟爲忠

顯神父則顯慶張憲則烈文牛泉則顯文欲改擬以

示特尊顯涉議禮之嫌有所弗顧也又云忠顯額下

一字同音未知何說文云忠則祖述誓瀆之心文則諸葛出師之表乞靈于王者甚至不周星而帝蒙塵矣故忠文昭烈王微此碑亦無有稱之者文上闕字應是忠字

宋帶御器械張墳壙誌

宋帶御器械張公壙刻

先君諱墳字伯和世居會稽之蕭山 大父由舍選登科仕廬陵漸春兩教官諱炳□□ 先君立 朝贈承議郎

先君卽次子也其上諱宗顏則 先君之祖諱世明則

先君之曾祖以 叔祖師且累贈奉直大夫 先君生

於淳熙甲辰十二月二十二日 先妣長興縣主爲

榮文恭王之姝

聖天子錄用南陽親族授先君承信郎紹定六年從銓曹注寧國府監稅端平二年五月召除閤門看班祇候住口轉承節郎嘉熙三年二月丐外特添差揚州兵馬鈐轄仍釐務帶行閤門祇候淳祐元年九月差兩浙東路兵馬鈐轄衢州駐劄帶閣職如故二年轉保義郎六年四月差兩浙西路馬步軍副總管臨安府駐劄待次十一月詔入爲帶御器械兼幹辦皇城司七年十二月轉成忠八年三月轉忠翊十二月御帶因任十年十月轉忠訓十一年十二月以皇城親從陞諸班直公賞超轉修武十二年八月屬疾乞掛衣冠上不允轉訓武主管佑神

觀疏再上轉武翼郎致仕甲戌終于寢得年六十有九子
男三人來孫忠翊新添進淮南東路兵馬鈐轄揚州駐劄
仍釐務兼制置大使司計議官稱孫武經郎 特帶行右
衛將軍新差知澧州軍州事節制屯戍軍馬寄孫早世女
二人長適進士茅煥次適進士余振孫孫男三人聖保寧
老祺老孫女四人 先妣先二十年卒葬於邑之夏孝鄉
越王山之原口以癸丑歲十一月甲申舉 先君樞合窆
焉 先君性恬退雖游科場不以得失介意既登仕途宦
情亦薄自三衢得替還卽所居之北里許闢圃鑿池依林
麓築堂題扁曰靜山徜徉其間因以自號若將老焉及筮
班聯 朝謁之暇多放懷西湖觴詠自適生平接物以和

關人急義鄉黨宗族咸得其心嘗曰吾叨 恩逾厚唯早
歸休爲幸耳至若周旋朱華屬橐 宸陛雍容不失尺度
三衢恪共乃職奔走徧諸郡按閱營壘戎器靡憚其勞則
官業固不苟也來孫等罪逆不孝早失 所恃 先君相
依爲命一旦永訣終天肝膽摧裂雖得冊府名流表于墓
道蓼莪罔極情不能已銜哀又紀大略以納諸壙孤哀子
來孫稱孫識從事郎資善堂檢閱劉仰祖填諱

右刻正書二十四行在蕭山縣此張稱孫自述父壙
誌而乞劉仰祖填諱今世多遵用之案文伯和以文
學起家以恩澤錄用官凡十三轉而致仕作靜山堂
徜徉其閒暇則放懷西湖以自適所云周旋朱華屬

囊宸陛蓋轉右職而奔走遍諸郡按閱營壘戎器于
三衢尤政績也文云生於淳熙甲辰甲戌終于寢得
年六十有九前甲戌爲嘉定七年止四十歲後甲戌
爲咸淳十年當得百歲與所書頗不合葬于癸丑前
癸丑爲寶祐元年後癸丑爲元皇慶二年疑葬時已
入元朝故止書甲子伯和有官階可題而止書帶御
器械稱孫殆別有意指歟榮文恭王趙希廬理宗父
也又蕭山志載宋寶章閣待制張稱孫墓在湘湖龜
山石獸猶存而無此志蓋墓沒已久此志獨存尙得
畧見大概云

宋天童寺別山智禪師塔銘

慶元府太古名山天童景德禪寺第四十代別山智禪師
塔銘

朝散大夫直煥章閣主管成都府玉局觀文復之撰
朝散大夫樞密院編修官兼檢詳諸房文字游汶書

資政殿大學士光祿大夫提舉臨安府洞霄宮史之
題蓋

慶元口景德口提甲於東南自宏智覺禪師據丈室唱洞
山价之道行解口絕戶外屨滿至無容跡覺乃因其舊而
宏敞之層樓複閣口出佛境僧坊口所架造凌空口口一
新來者之耳目口口口口口口至口口口口口亦至矣歲
丙辰不幸燬于火蕩無一存瓦礫眯目一方稚莖每對之

相與嘆息咨嗟涕 惜其舊而難其新也或有曰智大

□□□範嫡子真知□□□推民具□□□實□□□

□植仆起僵有成效矣□□其人主持庶幾可復舊觀於

是本州帥守吳公者□興議聞于朝有下缺其人則一囊

一口亟前無難色始至掃去灰燼剔除瓦礫縛數椽□于

其間與廝役雜處卻以歲月遲其成會慶元□□□帥禱

而□□祝曰此寺若有役再造當□禱爲□□□衆□□

□□物雲行雨施盡三日田疇□足朝家聞其事以僧牒

□十賜之由是□□□和會□□耆舊縱□出力惟恐後

殿宇像設□三年落成金碧輝映輪奐斬新視舊無□殺

旁觀者□□□耆息前之以下闕之□□智天王之名愈

□□□而師自視猶欲然如未始着力 名山勝地□□
□□□苟非其人道不虛行天童始於興禪師盛於宏智
應菴載造於師前後千百□□□□緣□而豈其然
□□□者乎□□智□壽□邪師諱祖智俗楊氏蜀人
順慶□□□身夢□僧龐然形狀瑰偉□來求寄宿地
已而孕師生而頎然稍長性不好弄 下闕 其家見其相與
常□異議出言本□□童師卽欣然隨□其廬□□□□
□圓覺□□□卽成誦如夙習者十四歲祝髮十九歲
往□□依昭覺□□全□學 以下漫滅不可識

右碑題額正書六字文三十行八分書在鄞縣天童
寺此碑滅裂過半前言宏智住山之盛而丙辰燬于

火州守吳公聞于朝會帥禱雨之應遂有僧牒之賜
耆衆坐集三年而寺落成矣又云天童始于興禪師
謂晉太康僧義興始誅茅結屋也後言師諱祖智俗
楊氏蜀人祝髮以下皆不可讀

宋朱子格言石刻

脫去凡近以遊高明勿爲嬰兒之態而有大人之志勿爲
終身之謀而有天下之意勿求人知而求天知勿求同俗
而求同理

□□□先生手筆辭約而理備言近而指遠誠□學之大
要也學者得此而玩心焉亦足以立乎其大者矣如是而
又求諸聖賢之□□□究其理□博約兼該於斯道其庶

乎欽舊藏有此刻顧摩口多失其真今竊祿四明因武選
洪公常以口本見示遂因重勒于石以諗同志且以自勵
云成化戊戌秋八月望前三日後學昭武口欽記

右格言五行行書第五行下附明人口欽題識七行
正書在鄞縣按金華雜錄朱晦翁過婺州嘗游武義
王臣家書其壁云云又扁三槐堂贈之至今墨跡宛
然壁間朱子書浙東取夥當時宦游所至莫不珍如
球璧此刻辭約理備言近指遠前跋已詳據言重勒
或原刻當在武義也

宋朱子忠孝二大字

忠孝 文公朱子書

右在西湖岳廟正書字徑二尺五寸欸字正書字徑
二寸後人摹刻無年月

宋泗州禪院殘碑

上缺

泗州禪院新建泗州殿記

上缺

中古西方之人也始於周漢缺尊佛像要在人瞻之

仰之速缺道之不同所化一也於戲缺之設得其粹焉有

僧伽和缺三十六化嘗之淮甸行缺皇帝遣洪州高安縣

缺其中矣故得鈍根缺基址微陋而居者缺地精舍一新

奈下缺

右殘碑正書十行上下皆殘闕不能句讀在鄞縣此
殿是奉泗州僧伽而作也故有三十六化嘗之淮甸

諸語按正覺曾主泗州普照寺建炎間主天童或卽其時所建歟

宋修六和塔碑記

大宋國江南東口路信州上饒縣石人鄉左溪社弟子蔣舒行嬭應七娘共捨淨財伍伯貫文省買甄添修六和塔追薦祖宗亡人下項上太公蔣八郎太婆舒十二娘太公蔣十八郎太婆毛氏大娘上太公蔣十三郎太婆祝十二娘又太婆鄭五娘太公蔣四郎太婆劉氏七娘又太婆李大娘姑婆蔣氏三娘祖公蔣十七郎祖婆余氏大娘亡父蔣十九郎亡母徐氏五娘房兄蔣十一郎親兄蔣十二郎等諸靈承此上善各願超生天界然冀自身家眷求大吉

祥口已四月題

右在六和塔上正書十五行行字不等高六寸廣一尺一寸是刻作陽文凸起石刻中絕少惟魏始平公造像一種有之書體亦敦厚可存也媿爲嫂字始晉人行書中下項二字不可解

宋六和塔施主題名碑

幹緣行者朱壽定今具新城縣分水縣於錢縣長安鄉施主名銘口口朝奉郎許興古捨錢壹拾貫文成忠郎陳惇行并男右迪功郎陳恪捨錢壹百貫文女弟子何氏三八娘捨錢壹百貫文承節郎徐珣捨錢壹百貫文鄭惟忠捨錢貳拾貫文章宥捨錢伍拾貫文章昇同母親何氏十娘

捨錢貳拾貫文何立等捨木壹根何守安捨錢叁貫文
何恭捨錢貳拾貫文朱琳捨錢壹拾貫文何彥侁捨錢貳
拾貫文章蘊琚捨錢貳拾貫文何彥份捨錢壹拾貫文邵
嘉言捨錢壹拾貫文沃口捨錢壹拾貫文將仕郎沃詠捨
錢壹拾伍貫文國子監進士邵希仲捨錢壹拾貫文鍾俊
捨錢壹拾貫文女弟子茹氏乙娘捨錢伍貫文何口口捨
錢壹拾貫文張朝五捨錢壹拾貫文將仕郎王口捨錢壹
拾貫文王日就捨木二十根程俊捨錢伍貫文諸葛王口
光共捨錢壹拾貫文王夔并妻邵氏八娘捨錢貳拾伍貫
文承節郎口口口捨錢壹拾貫文承節郎喬口祖捨錢貳
拾貫文盛迪捨櫛木壹株口暹捨錢貳拾貫文黃氏十娘

并男何修捨錢貳拾貫文湯七公捨錢壹拾伍貫文十都

巡捨錢壹拾伍貫文鄭堯捨錢壹拾貫文孫念三郎捨錢

貳拾貫文張迎捨錢壹拾貫文潘伯祥捨錢壹拾貫文沈

氏大娘捨錢壹拾貫文朱椿捨錢壹拾貫文章琮章蘊共

捨錢壹拾貫文徐氏三娘捨錢壹拾貫文陽穆捨錢壹拾

貫文每年捨錢宋偉捨錢壹拾貫文每年捨錢陽康於捨

錢壹拾貫文每年捨錢持友那捨錢壹拾貫文每年捨錢

持友聞捨錢壹拾貫文每年捨錢

右件施主捨錢物伍阡餘貫文伏請□□□□□□□□□□證明□□□□□□□□

□□
□□

右在六和塔上正書二十行行字不等高廣一尺二

寸餘文中書於潛爲於錢應是誤字施主名銘直以
銘字代碑字以錢爲錢書壹爲豐書迎爲迎皆當時
俗體十九行陽康於拾錢壹拾文落貫字又有持友
二人不知何謂是刻無年月止拾錢姓名或別有記
文而石亡也

宋高不倚等題名

李□□齊德□實之秦□□致遠□何會之邱□敬之高
不倚□卿□□□許儀鴻叟傅□□□林賓道景□
□□□美頊得□□□□□□□□□□□□□□□□

右題名摩崖隸書六行行十字字徑二寸

宋杜忠鳳皇山題名

口慈杜忠可蓋口遊介亭口侍歲著雍攝提格辰在大
梁其日己未

右在鳳皇山摩崖正書四行字徑三寸

宋季端時題名

季端時來

右摩崖楷書二行四字徑二寸

宋南屏山題字

少林

攻媿

右在南屏山摩崖正書字徑八尺橫列欸字正書字
徑一尺按攻媿樓鑰別字也鄞人字大防隆興進士

歷太府宗正除考功郎以忤韓侂胄奪職侂胄誅起
吏部尚書卒贈少師諡宣獻有攻媿集一百二十卷
宋天龍寺石壁題字二種

饒雲齋

右在天龍寺後石洞旁摩崖行書字徑五寸

天龍寺光明石

右在天龍寺後石壁摩崖正書二行按上二刻皆無
年月按宋濂石佛記中畧云天龍寺左峙石洞傍勒
饒雲齋三字詩一章不能全辨東有寶陀大士像石
壁上刻天龍寺放光石六字石能夜見光怪故名觀
此知宋元以來卽有是刻矣

宋歲寒崖題字

歲寒崖

郭令公歷中書二十四考廣成子居空同萬八千年

右在孤山摩崖篆書橫列字徑一尺四寸又隸書分
列二行字徑七寸按西湖游覽志云石壁陡絕蒼蘚
剝蝕中隱見篆書歲寒巖三字下疏郭令公云云相
傳爲蘇長公題然不能定也今郭令公下已覆刻西
湖二篆字

宋王庭龍泓洞題字

龍泓洞

金華王庭書

右在飛來峯摩崖正書徑八寸已剗去欵字正書徑一寸王庭賈似道客也見題名中庭又書林連墓碣今不傳

宋劉公泉題字

劉公泉

右在南高峯下隸書字徑五寸摩崖按萬歷府志云宋提舉常平劉常登池得泉因篆書三字于石今刻是隸書疑府志之誤

宋天台山題字

天台山

右正書三字字徑五尺餘在天台山按明王士性入

天台志云高明寺路旁巨石僧指堂書天台山并隸
教源二字卽此

宋佛隴題字

佛隴

指堂

右正書文字字徑六尺旁有指堂款二小字明葉良
佩天台山記云踰銀地嶺至大慈寺前觀佛隴二大
字寺僧曰此智顛師之初修地也卽此

宋刻陀羅尼經二

□□淨光修造佛塔大陀羅尼

經文不錄
行二十一

正書三十行

佛頂尊勝陀羅尼

正書三十行
行二十一

佛菩提心不退轉真言

正書二十九行
行二十一

南無千手千眼觀世音菩薩廣大圓滿無礙大悲心神妙
章句真言

正書三十行
行二十一

右在江干石塔四面高一尺二寸廣一尺八寸西湖
志云宋刻無紀年書人按刻中羅陀尼真言極多此
就其首行錄之也

加句靈驗佛頂尊勝陀羅尼

釋文不錄
行二十

正書二十五行

□□□□如來往生□□□□陀羅尼

正書三十三行
行二十四

無垢淨光大陀羅尼

正書三十三行
行二十四

千手千眼廣大圓滿無礙大悲心大陀羅尼神妙章句陀

羅尼

正書二十九
行十八

又一面同

無量壽如來往生根本十甘露陀羅尼

正書三十行
行二十四

無垢淨光大陀羅尼

正書三十三行
行二十四字

加句靈驗佛頂尊勝陀羅尼

正書二十五行
行二十字

右在江干磚塔八面高一尺三寸廣二尺亦宋刻無年月同上錄其首行題字也

宋銅鈐牌四種

右銅鈐牌多見于錢塘故家一面曰臨安府行用一面曰准五百文省按孔行素至正雜記云宋銅鈐牌長三寸有奇濶一寸大小各不同皆鑄臨安府字西湖志外紀云亦有二百或三百不等准五百文省者考容齋隨筆太平興國二年詔民間緡錢定以七十七爲百自是以來天下承用公私出納皆然故名省

錢以九十爲一百者爲長錢南宋都臨安府故鑄臨安府字所謂省者尙承汴京舊制當時用錢不足始以是濟其乏歟七修類稿亦云是南渡國窮補救變通之物交會錢引之類厲樊榭云銅牌廢而楮幣行可補食貨之缺皆謂此牌也特雜記銅鑄之名當有所自案宋有帶銚之名此牌額有小窾當是繫之帶閒如行素所說貫以致遠最便于民歟

宋銅印七種

湖州司理

院新朱記

右銅印圓徑五寸八分文曰湖州司理院新朱記八

字朱文此與下六印

元

從來板書中摹出書用故紙

印刷驗其紙背則乾道六年官司簿賬也印皆湖州郡屬考其時已改爲安吉州而印尙沿舊稱不知何故宋史輿服志云朱記以給京師及外處職司及諸軍將校其制長一寸七分廣一寸六分今准以三司布帛尺分寸適符七印制度大小並同惟烏程歸安兩縣皆用印字可知當日長官方得用印其餘僚屬則皆用記此印朱記上加新字殆因後來重鑄以此別舊印歟

湖州司

獄朱記

右銅印圍徑五寸八分文曰湖州司獄朱記六字白文

監湖州

都商稅

務朱記

右銅印圍徑五寸八分文曰監湖州都商稅務朱記九字朱文吳自牧夢梁錄云官設吏今宅務合於人員收檢民戶年納白地貨錢稅務凡五處名曰都稅務浙江稅務龍山稅務北郭稅務江漲稅務但州府雖有稅務之名朝家每多除放以便商賈諸貨壅於杭城然則南宋時湖州爲近畿州軍故亦設監當都

稅之官也

湖州監

在城酒

務朱記

右銅印圍徑五寸八分文曰監在城酒務朱記九字
朱文宋時諸州軍皆有酒稅務或置於城內或置鄉
鎮設監當官主之此乃在城監酒稅之印也

湖州戶

部贍軍

酒庫記

右銅印圍徑五寸八分文曰湖州戶部贍軍酒庫記

九字朱文按宋時諸州軍皆有戶部贍軍酒庫設當官一人或二人主之下有專吏酒匠掌其設官給工本下庫醞造所解利息聽充贍軍激賞公支此記亦監當官所用也

烏程

縣印

右銅印圍徑六寸文曰烏程縣印四字朱文

歸安

縣印

右銅印圍徑六寸文曰歸安縣印四字朱文

宋醫學象尊

宋西府作

醫學寶器

右象尊仁和王氏

舜

俞

藏銘篆書八字陽文

兩浙金石志卷十三 廣州府澳門同知桐鄉金錫鬯刊

國學生布政司理問銜臨海洪瞻墉校